

բաժանեալ եմք 'ի չորս մասունս . ըստ չորից ազգաց , որք են Լատինք , Սէրվիացիք , Յոյնք , Վիրք և այլ հետեւակ համազգայինք մեր : Նոյնպէս Հայք եւ հետեւակք նոցա , Հապէշք , Գալթիք և Ասորիք . և այսպէս առանց հակառակութեան հաւասար բաժանեալք 'ի միջի մերում . այժմ Հայք 'ի բաց հրաժարին և չհաճին վճարել ընդ մեզ զհարկս եկեղեցեաց եւ զտուգանս սպանութեանց : Եւ յերեկոյի ձրագալուցի Զատիին ընդ Հայոց 'ի միասին մտանեալք 'ի Գերեզմանն 'ի կատարել զհանդէս Լուսաւորութեան . այժմ Հոպէշք քան զամենեսին յառաջ մտանեն . և Հայք , նոքա հետեւակք մեր են ասելով , կամին նախ քան զմեզ մտանել . խնդրեմք հարցանել ցՊատրիարքն Հայոց , եւ ապա պատուիրել նմա ընդ մեզ վճարել զտուգանսն , և 'ի միասին մտանել 'ի Գերեզմանն :

Յառաջ մատեաւ Անդրիաս Պատրիարք և ասէ , արդարեւ Հապէշք հետեւակ են մեզ , և նախ քան զամենեսին մտանեն 'ի Գերեզմանն , և Հայք ընդ նոսա , ըստ առաջին սովորութեան , զհարկն բաժանեմք 'ի չորս մասունս , եւ երեք ազգքն հետեւակ են մեզ , տնօրինեմք զգործս նոցա , կարգաւորեմք զխնդիրս կալուածոց նոցին , կարգեմք 'ի սաշտօն և հանեմք անտի : Պատրիարքունք Հայոց տիրեն և ժառանգեն զստացուածս վախճանեալ վարդապետաց նոցին , որպէս յայտ առնեն զայսոսիկ հրովարտակն արքային Սէլիմայ , և դաշնագիրք Օմարայ և Սալահատտինի , և հրովարտակք առաջին թագաւորաց , յորս հաստատեալ են եկեղեցիք սեփհականութիւնք եւ հետեւակքն մեր . և արձանագրեալ 'ի տումարն կայսերական , շնորհեցին մեզ հրովարտակ : Իսկ զհարկն եկեղեցեաց եւ հետեւակաց մերոց , և զտուգանս սպանութեանց , տուեալ եմք ընդ նոսա , որպէս Յոյնք ընդ հետեւակս իւրեանց , զի գործք եկեղեցեաց եւ հետեւակացն Յունաց , պատկանին նոցա . նոյնպէս և գործք եկեղեցեաց և հետեւակացն Հայոց , պատկանին մեզ . զսլատճէն կայսերական տումարին եւ զհրովարտակն ունիմք առ մեզ , ընթերցցի , եւ ապա ստուգեսցի 'ի հաւատարիմ արանց , եւ ըստ զօրութեան նոցին որոշեսցի , և բարձցի 'ի միջոյ նանիր ամբաստանութիւն Գերմանոսի : Ընթերցան յատենի անդ զգրեանս , զոր